

चोपन रेडीयो खेम्मानुड् पेन्ढाङ्गुबा पा मा हाड् बु नानुसाची स्यामुसीड् । आयु स का ग यात्रलए डीनी रक्मान आन्नानुड् यामुचासी टाखेडीड् । आयु चैँ के कानी ग बाखाटेम्पीहा यात्रमीचीए कानीमी ग हीङ्गामा डेड्पीए खीम् हम्पी र हाड् आक्क खीम्पी माड्पारा खेह्हीकीहा लोमे खानावाँ ईखानी। ईच्छक म खेम्पीत्रमायो हैटा।

ग बाखाटेम्पी डीरीक काम्नुहा काम्नुहा यात्रमीची चुक्मी। डीरीक यात्रमीचीए खोची नेन्चाकुची। काम्नुए यात्रमी आसे सङ्क काम्नुए न लोकुची, हाड् नेन्चाकुची सङ्क। कानी यात्रमीची ईरक्मा लीकी, खाड्माबी काम्नुए लैटा भने आक्क काम्नीकी, टर खाड्माबी काम्नुए खाड्मुखुबा चोपन ठका काम्नुए न लीर कामानुड् नीवायुड् लैत्रमा काम्नुए हेत्रने। मान्ठाभने आक्क काम्नुए ठका आक्क काम्नुए यात्रमी हड्सीए खोमी नीवाँ काईसे स लीहीर मसे खाड्माबी काम्नुए खाड्मुखुबा ठकाबी हाड् यात्रमीचीबी सेत्रलन नीवायुड् लैत्रमा स काम्नुए हेत्रने। टर कानी न चोपन यात्रमीचीमी डारीड्पी हाड् नीवाहाड्मी डारीड्पी स चोपन ठकाबी, सालुड्पी हाड् नीवाँबी स काम्नुए लीमामी लागी कानी मान्ठरमा लीमा लेकीहा टा ? माड् लैत्रमा लेकीहा टा? ईघा खानावाँ के ईच्छक हाड् आयु के लोखानी।

.....कानी यात्रमीची ग, ग बाखाटेम्पी टामीम्पा टाबाड्ची टेन ह, कानीमी खीम्, ग बाखाटेम् हेत्रने, मसे कानीए टाबाड्ची रक्मान नुर पाईमा लेकी। कानी यात्रमीची, ग बाखाटेम्पी एत्रवा डीनी हीड्चाकीहा? कानी ग बाखाटेम्पीहा चोपन यात्रमीची ईत्रया सीखेकी न। हाड् आक्क डेड्पीए कानी खेक्खुबा खीम् चैँ कानी टाड्पामी खीम् ह। आक्क कानीमी खीम् काम्नुए मुमामी लागी कानीए माड् लैत्रमा लेकीहा भने, कानी ग बाखाटेम्पी चुमारक्न चैबानए खानावाँ माड् र कामानुड् वात्रमा लेकी हाड् आक्कुब्न नीवायुड् स लैत्रमा लेकी। हुत्रए खानावाँबी हाण्टीखेस्से कानीमी ग हीङ्गामा येरी भने कानीमी खीम काम्नुए लीनी। कानीए कानीमी डेड्पीए खीम् काम्नुए मुमामी लागी ग बाखाटेम्पीए हीङ्गामाबीत्रन काम्नुए पाईत्रमा लेकी। काम्नुए माड् पारा पाईहीकीहा टा ? कानीमी डेड्पीए खीम काम्नुए माड् पारा मुहीए टा?.....

नीवाहाड्मी साप्चीरामी एक्क ठाल गरहाड् साण्डा," "टर काम् खानावाँ खेम्खुबाची आन्ना के लोकानी, टाड्पा काइर लेखुबाची नाम्नावाँ पीट्टाम्चीने हाड् टाड्पा सीचोखुबाची काम्नुए लैटाम्चीने। आन्ना चाण्हीमा लेखुबाची आसीका पीट्टाम्चीने। हाड् आन्ना काइर लेखुबाचीमी लागी नीड्वाहाड्नुड् काम्नुए लीर कामानुड् यामुबीट्टाम्ने। यात्रमीचीए आना एक्क यापक्पी फेगामी भने होइक यापक् स टाप्पीट्टाम्ने। हाड् आनाम् लरलीड् लाफेत्रमा यक्खुबाची सुरूवाला स ल्हेत्रमा पीट्टाम्चीने। आनानुड् डागखुबाची पीट्टाम्चीने हाड् आन्नाबाड् ल्हेत्रमीम्पा ठोका ऐएन्डापाम्ने। होइढा यात्रमीचीए आन्ना माड् लैत्रमीर मीङ्गाम्नी, आन्ने स होइढा यात्रमीची आक्कन लैटाम्ने।"

नीवाहाड्मी साप्चीराबी सात्रमीम्पा ईघा खानावाँ चैबानए खानावाँ ह। ईघा चोपन खानावाँ नीवाहाड्मी पासा येसुए खोमी सैक्कुम्पाची हाड् होईढा यात्रमीची नुए खानावाँ चीन्मे पाईमार लोमीम्पा खानावाँ ह।

ग बाखाटेम्पीहा चोपन यात्रमीचीए कानीमी डेड्पीए खीम् काम्नुए मुमामी लागी चैबानए खानावाँबी टेन नीवायुड् लैत्रमा ग लेकी न। हाड् चैबानए खानावाँ चैँ माड् हला टा?.....चैबानए खानावाँ ग ह की कानी यात्रमीची टेन हेत्रने टर ग बाखाटेम् नाम्फलीत्रवा हाड् चोपन चोपन चोपन ठका चोपबाड् यात्रल मुखुबा नीवाहाड्मी खानावाँ चैँ चैबानए खानावाँ ह। खोमी खानावाँ न चैबानए मान्ठा ह टा? मान्ठाभने खो कानीमी आपा ह, टाड्पामी आपाए खोमी पीसाची हानाम्स काईसे लीमीर मीनुनी, खोसे हानाम्स कानी काम्नुए

लीमीर हाड् डीरीक हीड्चामीर मीनुकु, मसे खोसे, कानीमी आपा नीवाहाड्ए कानीमी हीङ्गामा हीड्चार कामानुड् कानी चैबान चैबानए खानावाँ खोमी साप्चीराबी लोडी। मसे खोमी खानावाँ चैँ चैबानए ह।

नीवाँहाड्मी पासा येसुए लोमीम्पा चोप्न खानावाँमी नीवायुड्, हाड् खो मी नीवायुड्ए कानी चैबान ग हीङ्गामा डेड्पीए कानीमी हीङ्गामा हीड्चामीकी। कानीए खोसे लोमीम्पा खानावाँबी नीवायुड् लेटी भने न खोबी नीवायुड् लेमीम्पा ह। मबा खोमी खानावाँ सीञ्चोई भने कानीए खो नीवाहाड्न् सीञ्चोम्पा ह।

नीवाहाड्मी खीम्पी खेऱ्मामी लागी, माड् माड् लेऱ्मा लेए लोमे खानावाँ ईघा न ह, कानी कोइ एक्क याऱ्मीए काईर लेटी भने कानीए खो स काईर हानाम्स लेऱ्मा फेऱ्नी, टर खो कानीए काम्नुर लेऱ्मा लेकी, गर लेटी भने खोसे टाड्पेऱ्न मीऱ्लाकु की के आऱ्क लेऱ्मा आलेटे रछ कामानुड् टर खो स कानीए काईर लेटी भने खो झाना सोम् खेरुक् हाड् आक्कुबी खीमाटुमा लीबक् गर लीसा भने हानाम्स काम्नुर लीहीनी मसे आऱ्कमा आलीमीऱ्मामी लागी कानीए कानी काईर लेखुबाची सङ्क कानीए काम्नुर लेऱ्मा लेकी। आऱ्क हाड्न् कानी कोई एक्कसे कानीमी एक्क यापक्पी फेगमार कानीए स खो फेगी भने आक्कुबी स खीमा टुमा लीऱ्, खीमाटुमाए कानी हानाम्स काम्नुए लीहीसीनी, मसे आक्कुबी खीमा टुमा आलीमीऱ्मामी लागी कानी फेगखुबा याऱ्मी कानीए खो स फेगमा हेऱ्ने टर फेरी स फेगडे कामानुड् लोसी भने खोसे खोम टाड्पेऱ्न मीऱ्लाकु की के मान्ठा गर लेटुडे कामानुड् मबा टेऱ् आक्कुबी खीमाटुमा स टानी हाड् काम्नुए स लीहीकी। टाड्पा काम्नुए लीमामी लागी होईढाची सङ्क टाड्पे काम्नुर लेऱ्मा लेकी, खोची सङ्क काम्नुर लीमीर कामानुड् मीम्मा लेकी। कानी टाड्पा टेऱ्न काम्नुए लीमा मीनुकी हाङ्ग आक्क काम्नुए हेऱ्ने। हाड् टाड्पा होईढाची आसेस काम्नुए लोसीनी हाङ्ग कानी माड् काम्नुए लीसी हार? मसे कानी टाड्पा काम्नुर लीमामी लागी होईढाची सङ्क टाड्पा रक्मान मीम्मा लेकी हाड्टेऱ्न कानी काम्नुए लीहीकी। टाड्पे होईढा याऱ्मीची काम्नुर लीमीर कामानुड् मीनी भने कानी सङ्क खोचीए काम्नुए लीमीर मीनुकुची , हाङ्गे कानी काम्नुए लीहीकी। मसे चोप्न याऱ्मीची टाड्पा रक्मान मीम्मा लेकी ग स नीवाहाड्मीँ खीम्पी खेऱ्माम् एक्क लाम् ह।

बाखाटेम्पीहा कानी चोप्न याऱ्मीची नीवाहाड्मी डारीड्पी एक्कन ह। आसा सङ्क टुङ्गुड्पा हाड् मीछुऱ्मा लोमे खोमी डारीड्पी लीनी। खोसे कानी एक्क मीक् ए न खाङ्गी। एक्क याऱ्मी डीरीक हाड् होईक याऱ्मी मीऱ्म हाड् चासुमटाड्पा डीरीक हाड् माड्स माए याऱ्मी चै मीऱ्म नाम्नाम नीवाहाड्ए लेकी लोमे खानावाँ लीनी। नीवाहाड्ए , चुखुबा, आचुखुबा, योम्पक मुखुबा आमुखुबा चोप्न चोप्न चोप्न ग बाखाटेम्पीहा चोप्न खालाहा याऱ्मीची , खोबी नीवायुड् लेखुबा खोबी नीवायुड् आलेखुबाची चोप्न खोसे नाम्नाम् पीसीकु। मबा आसे आसे खोबी नीवायुड् लेऱ्मा माहेटीटुची आक्खाची खोबी एन्डाब्मा, सीखेऱ्माबाड् हीड्पमीऱ्मा खोमी नीवाँ ह। कानी चोप्न याऱ्मीची खोमी पीसानासाची ह मसे खोसे कानी कोई माड्बी खाईहाड्डी कोई माड्बी खाईहाड्डी हाड् हाम्पी खाईहाड्डीहा हाड् सङ्क खोसे कानी खोम खीम्पी टामीर मीन्ढ्याड्डु। खोमी खानावाँ आयु कानीए खेमी हाड् खो कानीमी आपा ह कामानुड् खासीमानुड् खोबी नीवायुड् लेऱ्मा न कानीए कानीमी ग डेड्पीए हीङ्गामामी खीम् काम्नुए मुमा ह। कानी मी खीम् ग बाखाटेम् हेऱ्ने कानीमी खीम् नीवाहाड् पेन्खुबा पारुबीए खीम् ह आक्क खीम्पी खेऱ्माम् लाम्फु चै कानीए कानीमी आप्पामी नाम्नाम् ह, कानीमी आपामी खानावाँ खासीमा ह। हाड् कानीमी आपा चैँ नीवाहाड् ह। आयु कानीए कानीमी आप्पा मीईखेडी हाड्सङ्क खोसे कानी हानाम्स मीखेहीसीनी खोसे कानी खोम् खीम्पी, पारुबी सेऱ्ढ्याड्डी, खोसे सेऱ्मारः स खेऱ्मे

आखेऱमे लोमे खानावाँ चैँ कानीम हुक्पी न चुऱः मसे कानी पारुबीए काम्नुए खीम्पी खेऱमा मीनुकी हाङ्ग खोबी नीवायुङ् लोटीये खोबी खारीये, हाङ् हानाम्स आसीखेखुबा हीङ्गामा नुङ् पारुबीए काम्नुए खीम्पी पेनीये।

गर कासे आयु स कामी आन्नानुङ् यामुचामे लः स लुक्खेसीडा, मसे खेऱमाबाङ् याऱल फेरी स एक्खेपा के लोक्कुङ्, बाखाटेम्पीए कीऱमा लुलुए हीङ्गामाबी ए हाऱ्टी खारीये, टर कानी पारुबीए खीम्पी सेऱऱःयाङ्गुबा नीवाहाङ्मी लाम्फुबी खारीये। गरक् कामानुङ् आयु चैँ काम् लः लुक्खारा, का होईखेपा स ग लः बीऱन टाऱडा न टर आयु भने चैँ का खार्ईऱडा, गरऱल ढारी काम् खानावाँ खेम्पीऱमीम्पामी लागी ओहाक.....।